

- *1۔ لیفٹنٹ گو رنر منوج سنہا غو کہنو ہے جے تبدیلی نوجوانان نانہہ با اختیار تے بٹر مندی غی ترقی واسطے چایا گیا اقدامات غی نشان دہی کرے۔
- *2۔ چیف سیکریٹری اتل ڈلو نے جموں کشمیر مانہہ ثقافت تے تاریخی یادگاروں غا تحفظ واسطے اقدامات چان ور زور کھلیو۔
- *3۔ وزیر خارجہ ڈاکٹر ایس جے شنکر نے لیڈران نانہہ بنگلہ دیش گا مسئلہ تیں آگاہ کیو۔
- *4۔ تے ڈپٹی کمشنر ریا سی وشیش مہاجن نے شہید کامل کشور غی رہائش گاہ ور ”ایک پیڑ شہید کے نام“ غے تحت بوٹا لان غو آغاز کیو۔

خبران غی تفصیل نال پہلان محمد امین انجم۔

LG AWC

لیفٹنٹ گو رنر منوج سنہا نے اج مہوا مانہہ فوج، بحری فوج اور ہوائی فوج غا افسران سنگ خطاب کیو۔ اس سلسلہ مانہہ افسر تے دو جا افراد شمالی محاذ غا دورہ ور آیا وا ہیں۔ اس موقع ور بولتوں وان لیفٹنٹ گو رنر نے جموں کشمیر غی تبدیلی با رے سرکار غا کم ور زور پایو۔ انہاں نے کہیو جے جموں کشمیر مانہہ سلامتی صورتحال غی بہتری نے جموں کشمیر یوٹی مانہہ امن استحکام تے خوشحالی شروع کی ہے۔ موصوف نے کہیو ہے جے ان غو یوہ پکو یقین ہے جے ترقی تے خوشحالی واسطے امن پہلی شرط ہے۔ انہاں نے کہیو ہم دہشت غو ماحول ختم کرن مانہہ کامیاب ہوا ہاں۔ انہاں نے کہیو جے بکھ بکھ اسکیم تے شروعاتان غی مدد نال معیشت نانہہ باہدو ملیو ہے۔ اور روزگار غا موقع پیدا ہوا ہیں۔ میجر جنرل گورو گو تم فوجی جنگی کالج غا افراد اور حفاظتی دستان غا سینئر افسر اس موقع ور راج بھون سرینگر مانہہ موجو دتھا۔

CS Culture Heritage

چیف سیکریٹری اتل ڈلو نے اج ثقافت محکمہ نال اک میٹنگ لائی۔ میٹنگ غو مقصد جموں کشمیر مانہہ ثقافت تے ورثہ گا باہدہ با رے سرگرمیاں غی صورتحال غو جانزو لینوتھو۔ میٹنگ غے دوران چیف سیکریٹری نے افسران نانہہ کہیو جے وین تاریخی چیزاں غی سانم سنبھال واسطے ہر کوشش کریں۔ انہاں نے اس سلسلہ مانہہ کمپیوٹر کاری غی اہمیت ظاہر کی۔ موصوف نے مبارک منڈی ورثہ کمپلیکس غی بحالی با رے چل رہیا کم نانہہ مکمل کرن ور زور پایو۔ انہاں نے فن و ثقافت با رے اکیڈمی آف آرٹ کلچرل اینڈ لیگوووجز گا کم با رے وی جانکاری حاصل کی۔

RS AIIMS

سرکار نے کہیو ہے جے پردھان منتری سواستھیا سُرکشا یوجنا غے تحت مُلک پھر مانہہ 22 نواں ایمر منظور کیا گیا ہیں۔ راجیہ سبھا مانہہ وقفہ سوالات غے دوران اضافی سوال غا جواب دیتاں وان صحت تے خاندانی بہبود با رے وزیر مملکت انوپریا پٹیل نے کہیو جے 19 ایمر کم کر رہیا ہیں۔ انہاں نے کہیو جے سرکار نے پردھان منتری سواستھیا سُرکشا یوجنا غے تحت مُلک مانہہ ایمر غی گنتری بدھائی ہے۔

LS PM Kisan

مرکز نے آج کہیو ہے جے ہُن تک پی ایم کسان سمان ندھی اسکیم غے تحت 11 کروڑ تین متا مستفید ہون آلا کساناں غا حق مانہہ 3 عشریہ 24 کروڑ روپیہ تقسیم کیا گیا ہیں۔ لوک سبھا مانہہ اک تحریری جواب مانہہ مرکزی وزیر مملکت برائے ذراعت تے کسان بہبود رام ناتھ ٹھاکر نے کہیو جے ہُن تک براہ راست طریقہ نال 17 قسط جا ری کی جا چکی ہیں۔ قابل ذکر ہے جے پی ایم کسان اسکیم غے تحت ہر سال 6 ہزار روپیاں غی رقم پروپر 3 قسطاں مانہہ کساناں گا حق مانہہ جا ری کی جا ئیں۔

Waqf Bills

کُل ہند صوفی سجادا نشین کو نسل نے آج وقف ترمیمی بل مانہہ کی گئی ترمیم غو استقبال کیو۔ یوہ بل چل رہیا پارلیمانی اجلاس غے دوران ایوان مانہہ رکھیو جا ئے گو۔ کونسل غا چیرمین حضرت سعید نصیر الدین چشتی نے کہیو جے وے پُر امید ہیں جے بل غو خاکو شفاف وے گو، تے کسے نانہہ وی اس ور کو ئی اعتراض نہیں ہے۔ نویں دہلی مانہہ اخباری نمائنداں نال گل کرتاں واں اُنہاں نے کہیو جے جھیڑا لوک اس بل غی مخالفت کر رہیا ہیں ویں سماج نانہہ گمراہ کر رہیا ہیں۔ اُنہاں نے الزام لایو جے وقف بورڈاں مانہہ بڑی بدعنوانی تھی تے چند وقف بورڈ غا عہدیداراں نے اپنی طاقت گو غلط استعمال کیو۔ کونسل غا چیرمین نے سرکار نانہہ یاہ وی اپیل کی جے درگاہ جانیداد پارے درگاہ بورڈ قائم کریں۔

GDC Mahanpur

چل رہی مُلک گیر ”سوچھتا پکھواڑہ“ مہم غے تحت سرکار ری ماڈل ڈگری کالج مہان پور مانہہ پرنسپل سنگیتا سونڈن غی رہنمائی مانہہ کنیں سرگرمیں چل رہی ہیں۔ کالج غا این ایس ایس یونٹ ور جسمانی صحت پارے شعبہ غی طرفوں ”ایک پیڑ ماں کے نام“ پروگرام غے تحت شجرکار ری غو انعقاد کیو، نالے صفائی کی۔ مہارا نمائندہ نال گل کرتاں واں پرنسپل سنگیتا سونڈن اور نیہا کمار ی نے اس طرح کہیو۔۔۔ بائٹ۔۔۔

LS Finance Bill

لوک سبھا مانہہ مالی بجٹ 2024 نانہہ غو رکن اور پاس کرن خاطر بتھ مانہہ لیو۔ اس سلسلہ مانہہ بحث شروع کرتاں واں کانگریس غا ڈاکٹر امر سنگھ نے الزام لایو جے مرکزی بجٹ مانہہ صرف بڑی آمدن آلا گروپاں نانہہ راحت مہیا کرائی گئی ہے تے اس طرح درمیانہ درجہ اور تلے غا درجہ غو کو ئی خیال نہیں رکھیو گیو۔ اُنہاں نے کہیو جے مُلک غی ذرعی پیداوار کھٹ بوئی ہے۔ ڈاکٹر سنگھ نے کساناں غی آمدن دُگنی کرن غا سلسلہ مانہہ سرکار تیں سوال پُچھیو ہے۔ بحث مانہہ حصو لیتاں واں بی جے پی تیں نشانات دوبے نے کہیو جے مرکزی بجٹ نے ٹیکس ختم کرن غی تجویز دتی ہے۔ جس غی مدد نال سٹارٹ اپس نانہہ بابدو ملے گو۔ اُنہاں نے اگنی ویر اسکیم غی نکتہ چینی کرن ور حذب اختلاف تیں سوال پُچھیو ہے، جناب دوبے نے مرکزی ایجنسیاں غا غلط استعمال غو الزام لان پارے حذب اختلاف نانہہ نشانو بنا یو ہے۔ اس سلسلہ مانہہ بحث اجوں جا ری ہے۔

یہ خبر تم آکا شوانی جموں تیں سن رہیا ہیں خیراں غا باقی حصہ نال نصرت چودھری۔

All Party Meet

سرکار نے اج بنگلہ دیش مسئلہ ور اک کل جماعتی میٹنگ بلائی۔ میٹنگ غے دوران خارجہ امور غا وزیر ڈاکٹر ایس جے شنکر نے مذکورہ مسئلہ ور لیڈراں سنگ گل کی۔ نویں دہلی مانہ بون آلی اس میٹنگ مانہ وزیر دفاع راجناتھ سنگھ، وزیر داخلہ امت شاہ، پالیمنی امور غا وزیر کرن راجیوتے مرکزی وزیر تے بی جے پی غا سربراہ جے پی نڈا شامل تھالوک سبھا مانہ حزب اختلاف غا لیڈر راہل گاندھی، ٹی ایم سی لیڈر سودیپ پانڈے اپاندے، آر جے ڈی لیڈر میسا بھارتی، این سی پی لیڈر سُرپیا سولے، ایس پی لیڈر پروفیسر رام گوپال یادو تے ٹی آر بالو میٹنگ مانہ موجو دتھا۔ مرکزی وزیر تے جے ڈی یو لیڈر لن سنگھ، مرکزی وزیر تے جے ڈی ایس لیڈر ایچ ڈی کمار سوامی، مرکزی وزیر تے ٹی ڈی پی لیڈر رام موہن ناٹیڈو تے ایل جی پی آر لیڈر ارون بھارتی نے وی میٹنگ مانہ شرکت کی۔

DC Reasi EPSKN

ڈپٹی کمشنر ریا سی وشیش مہاجن نے شہید کمل کشور غی رہائش ور ”ایک پیڑ شہید کے نام“ غے تحت بوٹا لان غو آغاز کیو۔ شہید پولیس اہلکار غی رہائش گاہ غا دورہ غے دوران انہاں نے اہل خانہ تین ملاقات کی تے شہید کمل کشور نانہ خراج عقیدت پیش کیو ایس جی سی ٹی کمل کشور نے سال 2018 مانہ سرینگر مانہ دہشت گرداں نال لڑتاں واں اپنی شہادت پائی تھی۔ انہاں نانہ سال 2021 مانہ اُن غی بہادری واسطے سوریا چکر تین نوازیو کیو۔

WB BSF DG

سرحدی حفاظتی دستہ بی ایس ایف غا ڈائریکٹر جنرل دلجیت سنگھ چودھری نے اج مغربی بنگال مانہ بھارت بنگلہ دیش سرحد غو دورو لایویوہ دورو شمال 24 پرگناس ضلع مانہ لایو کیو۔ دورہ غو بنیا دی مقصد نازک سرحدی علاقان مانہ کاروانی تیاریاں غو جائزو لینو تھو۔ قابل ذکر ہے جے بنگلہ دیش غی صورتحال نانہ دھیان مانہ رکھتاں واں بی ایس ایف نانہ سرحد ور چوکس رہن واسطے کہیو کیو ہے۔

Ration Cards e Sharm

جموں غی اڈیشنل ڈپٹی کمشنر انسویا جموال نے ای شرم پور رٹل ور درج کارکنان نانہ راشن کارڈ جاری کرن غا کم گو جائزو لین واسطے اک میٹنگ غی صدارت کی۔ اس گل نانہ یقینی بنان ور توجہ دتی گئی جے تمام اہل کارکن اپنی ای کے وائی سی مکمل کریں تے راشن کارڈ حاصل کریں۔ انہاں نے تفصیلی شناخت تے مدد غی ضرورت ور زور کہلیو اس عمل نانہ تیز کرن واسطے خصوصی کیمپ غو انتظام کرن غی گل کہی۔ کیمپ کارکنان نانہ فائدہ غا بارہ مانہ آگاہ کیو۔ یاہ کو شش ریاستاں تے مرکزی زیر انتظام علاقان غا تمام اندراج شدہ غیر منظم تے مہاجر مزدوراں نانہ راشن کارڈ فراہم کرن غی سُرپیم کورٹ غی ہدایت ور عمل کرے۔

FICCI CGDS Summit

فیڈریشن برائے انڈین چیمبر آف کمرس اینڈ انڈسٹری نے ”سیٹی گیس ڈسٹریبیوشن سمٹ 2024“ گو آغاز کیوجت ”سیٹی گیس ڈسٹریبیوشن پروجیکٹ غا قوانین حکمت عملی تے مالیات گا پہلوں ور تبادلہ خیال کیو کیو۔ حکومت آگلا 5 بہراں مانہ گیس غا بنیا دی ڈھانچہ مانہ 3 کھرب روپیہ غی سرمایہ کاری کرن غو ارادو رکھے۔ جس مانہ 17 ہزار تین متا سی جی این سٹیشن تقریباً 15 ہزار کلو میٹر قدرتی گیس غی پائپ لائن تے تقریباً 1 ہزار ایل این جی سٹیشنز شامل کیا جائیں گا۔

پيٽروليم ٽي قدرتي گيس با رے ريگو ليٿري بورڊ غا ممبر گجيندر سنگھ نے صنعتي ٽي تجارتي
صارفين مانہ سي اين جي غي بدھتي مانگ نانہ اُجاگر کيو. ٽي رسوئي گيس سلينڊر غے بدلے پي
اين جي نانہ فروغ دين واسطے کہيو.

.....

اس غے نال بي خبراں غو يوہ بليٿن ختم بوؤ.